

道德經釋辭序

大矣哉老子五千文也以靜爲宗以虛爲用說者專言鍊養而不知修齊治平之道纖悉具備昔吳筠曰深於道者無如五千文知言哉第其旨多隱而難於解悟其辭若反而難於融通學者每苦三四讀弗解輒卽廢間亦有爲之釋者終局於管窺之見泥於膠柱之識奈何能發明其理也吾鄉體物子少習博士業弗售繼有悟乎清虛不欲人間事汨其心迺迹太和之巖日研窮斯經歷久一旦豁然通也於是出所見分章而釋之帙成持以觀不佞且求爲序不佞受而卒業則見其一言一字鑿鑿中的真所謂以意逆不以辭害卽使老氏復出耳提面命亦

道藏輯要

道德經釋辭序

一

心集九
四十一

不過矣若體物子者其老子之後身乎觀者得是釋而熟究之不惟鍊養可就卽齊家治國且裕如矣幸毋以茲釋與養生同日譚也

萬曆丁酉歲春上元日

賜進士第行人司行人近野子姚孟昱撰